

အဝိဂါ အဝိဂါ
AWIG AWIG



ဗုဒ္ဓ ခံဘ နှစ်

ဒေသအသတ် ရွာဟာရီ
DESA ADAT KELAN
ရွာဟာရီ ဟာရီ
KELURAHAN TUBAN

ဗုဒ္ဓ ကံသံသက

1991

MAHA DAGING AWIG – AWIG
DESA ADAT KELAN

MURDACITTA	1
SARGAH I. ARAN LAN WEWIDANGAN DESA	2
SARGAH II. PETITIS LAN PEMIKUKUH	2
SARGAH III. SUKERTA AGAMA	3
PALET 1. INDIK DEWA YADNYA	3
PALET 2. INDIK RESI YADNYA.....	8
PALET 3. INDIK PITRA YADNYA.....	10
PALET 4. INDIK MANUSIA YADNYA.....	16
PALET 5. INDIK BHUTA YADNYA	17
SARGAH IV. SUKERTA TATA PAWONGAN.....	21
PALET 1. INDIK KRAMA.....	21
PALET 2. INDIK PRAJURU.....	25
PALET 3. INDIK PARUMAN.....	29
PALET 4. INDIK DUSTA MIWAH BHAYA.....	31
PALET 5. INDIK KULKUL	33
PALET 6. INDIK MAPIDANDA	35
PALET 7. INDIK PENYANGGRAN BANJAR.....	36
PALET 8. INDIK PAWIWAHAN.....	37
PALET 9. INDIK NYAPIAN.....	44
PALET 10. INDIK WARISAN.....	46
PALET 11. INDIK SENTANA.....	49

SARGAH	V. SUKERTA TATA PALEMAHAN.....	54
PALET	1. DRUWEN DESA.....	54
PALET	2. INDIK KARANG, TEGAL LAN CARIK.....	57
PALET	3. INDIK PEPAYONAN.....	58
PALET	4. WEWANGUNAN.....	59
PALET	5. INDIK WEWALUNGAN.....	60
SARGAH	VI. NGUWAH NGUWUHIN AWIG-AWIG.....	62
SARGAH	VII. PAMUPUT.....	63
SUSUNAN PANITIA PENYUSUN AWIG-AWIG DESA ADAT KELAN		67

M U R D A C I T T A

OM, Awichanam astu. Desa tata cara. OM, nama Ciwaya.

Om, Cri Pasupatastra. Om, awighnam astu nama swah mangkana penamaskara mami kabeh ring sang hyang parama wisesa sidha amanggih dirgahayusatan kataman parama wisesa sidha amanggih dirgahayusa tan kataman lara wighna pinakang hulun kabeh krama Desa Adat. Kelan. Putusing panugran I Krama Desa Adat KELAN. Gunawa awig – awig Desa Pakraman, Desa tata cara. Wastu kasidan prayojana mami kabeh kateke tekeng diaha, prasama pada sumangkem mwanng amanggehaken kadi linglin awig – awig.

S A R G A I

ARAN LAN WEWIDANGAN DESA

Pawos 1

- (1) Desa adapt puniki mawasta Desa Adat Kelan.
- (2) Wewengkon Desa mewasta nyatur :
Sisi kangin wewidangan kehutanan = hutan bakau / rawa – rawa.

Sisi Kelod Desa Adat Kedongan.

Sisi Kauh Samudra Indonesia.

Sisi Kaje Desa Adat Tuban.
- (3) sane ngeranjing dados Desa Adat Kelan luwirmia :
 1. Banjar Kelan Desa.
 2. Banjar Kelan Abian / Teba

S A R G A II

PETITIS LAN PEMIKUKUH

Pawos 2

Desa Adat Kelan ngemanggehan mekadi pamikukuh :

1. Pancasila.
2. UUD 1945, pemekas pasal 18
3. Tri Hita Karana manut sada cara agama hindu.
4. Perda No. 6 Tahun 1986, Gubernur Kepala Daerah Tingkat I Propinsi Bali.

Luwir patitis Desa Adat Kelan :

1. Mikukuhang miwah ngerajegang Sanghyang Agama.
2. Ngutamayang tata prawertining Agama.
3. Ngerajegang kasukertaning Desa saha pawongannya sekala niskala.

S A R G A III

SUKERTA TATA AGAMA

Palet I

Indik Dewa yadnya

Pawos I

- (1) Pelinggih penyiwian sewidangan Desa Adat Kelan, luwirnia :
 - Kahyangan Desa mekadi Pura Dalem Kahyangan lan Penataran, Pura Desa lan Puseh, Pura Dalem Sakenan, Pererepan Ratu Pasek, Pura Belatri Pura Telagawaja, Pura Telaga Bunder, Pura Tanjung Parangan, Pura Taman Sari, Pura Duku Petanian, Pura Kati Gajah pingkalih sanggah / Pemerajan krama desa soang – soang .
- (2) Rahina piodalan ring soang-soang kahyangan inucap :
 - Pura Desa / Puseh, ring rahina sukera paing, dungulan
 - Pura Dalem Kehyangan 7 penataran, ring rahina saniscara Pon, Dungulan.

- Pura Dalem Sakenan, ring rahina Redite wage, kuningan.
 - Pererepan Ratu Ayu, Ring rahina saniscara kliwon, kuningan.
 - Pura Presanak / Paibon / pemaksanmiwah sanggah / pemerajan soang-soang.
- (3) Penemaya petirta ring kahyangan desa ngenem sasih, madia utama manut kawentenang lan pararem, pamitegep pengacine kemedalang antuk krama desa.

Pawos 2

- (1) Ring soang – soang Pura inucap ring ajeng kawentenang pemangku.
- (2) Ngadegang pemangku manut dudonan :
 - Nyajan (nunas pewuwus widhi)
 - Ngantin (sentanan pemangku).
 - Pilihan Krama Desa (manut pararem).
- (3) sane tan wenang anggen pemangku :
 - Cedangga luwirmia : pecengan, perot, cungh, lsp.
 - Kegeringan, luwirmia : sakit ila ayan, buduh, lsp.
 - Muah sane lian – lianan manut pararem.
- (4) Prabeya nekdengan pemangku lanang utawi istri kemedalin antuk krame desa miwah rikala kematian-nya riwekas, mangda kapitra yadnya sanistannya. Nyuwasta Geni, ring kulawargannya. Krama desa nyanggra antuk pepatusan soang - soang, berat werat 1 kilo gram, kelapa abungkul, adeng abungkul.

Pawos 3

Swadarman Pemangku Kahyangan Tiga, soang – soang sekadi ring sor :

- (1) Nyaryaning aturang nemoning Purnama, Tilem, Kajeng Keliwon, lsp.
Prebeyan ipun kamedalan antuk desa.
- (2) Ngeraksa saha miara Pralingga muah Penganggen Pura soang – soang.
- (3) Nyadokang ring prajuru desa prade wenten penganggen pura sane rusak,
prajuru patut ngentosin manut pengaloika.
- (4) Tetegenan inucap manut pengeloika prajuru.

Pawos 4

- (1) Swardamaning Pemangku :
 - Ngenterang upacara upakara piodalan ring kahyangan desa utawi ring
soang – soang pakubon
Krama desa.
 - Ngaturang penauran – penauran sinalih tunggil krama desa (warge dura
desa).
 - Nitenin miwah nuntun kesucian kahyangan
- (2) Sang mepenauration patut masadok ring prajuru mangda keilikitayang tur
keunggahang druwen desa luwire :
 - Penawuran upacara upakara lan wewalen (balih – balihan).
 - Penawuran leluwes, mule – mule, lsp.

- Sesari – sesari, lsp, mepah tiga, asiki pemang kalih paha keunggah ring Desa.
 - Sejawaning penawuran, lsp, sane mewali kalungsur kengin kepuputang antuk Pemangku kemaon.
- (3) Muputang yadnya nista miwah madia, olih Pemangku Gede, yaning mautana kengin nuur sang sulinggih pang muputang upakara inucap lan pemangku maka penyanggra.
- (4) Mangku Kahyangan Desa Kangin :
- Nibakang panugrahan ring mangku sanak, auban lan krama desa manut perarem.
 - Polih penampa, rikala ngemargiang pujawali saking wargan dane mangku, juru canang, mangku auban miwah rikala wenten cuntaka saking warga mangku kahyangan desa.
 - Polih penyepuhan prade ketiwakin antuk sinalih tunggil krama yening yukti tanwenten keiwangan Sakewenten prade mabukti keiwangannia, patut nyepuhin raga antuk prebey ngeraga.

Pawos 5

Pikolih (petias) pemangku / sang sulinggih :

- (1) Sarin canang, panah saring pemawuran, lsp.
- (2) Luput ayahan miwah reramon ring desa.

Pawos 6

- (1) Pemangku kagentosan, antuk:
 - a. Seda.

na. Pinunas ngeraga, menawite kegeringan, lsp (manut perarem).

ca. Kawusan menawi nilar sesana, melaksana asta dusta (anayub cor).

- (2) Prade kecihnaan mangku malih ngalap rabi, patut merarian masengker 42 rahina tur risampun nyuciang raga sareng rabine, antuk prabeya ngeraga. yaning balu prade malih ngamber rabi, penyucian raga kangkat polih saking desa.

Pawos 7

- (1) Rikala petoyan/petirtan ring pura, krama sane pedek tangkil/ngaturang ayah, patut mepengangge adapt manut dreste, sanistane madestas petak.
- (2) Rikale piodalan ring kahyanan Tiga, pemucuk ayahan sejeroning wali saking Banjar manut pagilir.
- (3) Krama banjar siwosan patut ngebekan ngaturang pangubakti, pedek tangkil kapura kaanter antuk prajuru banjarnia.
- (4) Prade muspa mangda tragia makte sarana / eteh – eteh muspa.

Pawos 8

Kasukertan khyangan kadi ring sor :

- (1) Tan kalugra ngeranjing kapura.
 - a. Sang kacuntaka sangkaning sebel raga utawi kalayon.
Sebel raga luwirnian :
 - Sebel kandel (ngraja swala), salami dereng mebersih.

- Sebel sangkaning madruwe oka (wawu embas) salami akambuhan (42 rahina).
 - Sebel pengentenan, salami dereng mebiakala.
- na. Makta sehananing sane sinanggeh ngeletchin, luwire tulang jatma, rah, lsp.
- ca. Sato agung / wewalungan, sejawaning rikala mapepada.
- (2) Pratilaksanane sane ten wenang ring pura:
- a. Masumpah/anayub cor, sejawaning kelugra prajuru
- na. Makobetan, masesenengan, ekolem dados asiki lanang – istri, mebacin, lsp.
- ca. Mungguh tedun pelinggih, sejawaning panugrahan pemangku, wiadin prajuru.
- ra. Ngemargiang tirta, sejawaning pemangku utawi pemangku sanak/sulinggih.

PALET 2

* INDIK RESI YADNYA

Pawos 9

- (1) Sang pacang mapudgala (madwijati), sejawaning nunas panugrahan ring sang rumawos (Parisada Hindu Dharma utawi Kantor Dinas Agama Hindu), Patut taler masadok ring prajuru desa.
- (2) Prajuru inucap patut sareng nuruksa nitenin mangda sulur kalih pemargine yukti – ukti manut kadi kecaping agama, mekadi kecede angga, lsp, saha sareng nyaksinin pemargin upacara upakarane.

- (3) Sapupute, prajuru desa digelis patut ngentosin parab sang diniksa ring sahanan ilikita antuk biseka kawikom manut panugrahan nabe, saha kesiarang ring paruman desa / banjar.

Pawos 10

- (1) Sejawaning pemangku, sang ayat mewinten saha maka buatan pacang ngemargiang nyonteng, dalang sakeluwir pacang ngenterang yadnya, paut masadok ring prajuru desa.
- (2) Prajuru patut ngawas nitenin tur ngenameng galangin prade kacihnayang pemargine sasar ring kekecap miwah drestanne, tur sareng nyaksinin upacara upakara, selanturnia nyiarang ring paruman desa tegep rauhing kewenangania ngenterang yadnyane.

Pawos 11

- (1) Krama desa / banjar katuntun antuk prajuru sareng ngawas nitenin mangda sahanan yadnya sane kawentenan kaicen pamuput olih pandita utawi sang sujana (pemangku, dalang, sekeluwire) manut kewenangannia soang-soang.
- (2) Prajuru patut nuntun saha ngemanggalaning krama desa mikukuhin kesucian linggih wewidangan desa kelan.
- (3) Sang madruwe karya patut ngaturang dana punia manut wibuh kancit karyane.

- (4) Sang madwi jati mangda teleb ngincepan pewaralt (pewisik) lan pustaka suci pekaryan ida para resi.

Pawos 12

- (1) Krama desane sami patut sareng ngawas nitenin ketuntun olih prajuru desane mangda sahanan yadnya sane kawentenang kaicen pamuput olih pandita utawi sujana (pamangku sakaluwire), anut dudonan kadi kewenangannia soang – soang manut dresta.
- (2) Prade wenten ngelempasin, bilih – bilih sane pastika wenten nyumuka, prajuru wenang ngalangin utawi ngurungan yadnya inucap prade mamargi/ kalaksanayang, yadnya saha palawasanania sinangch tan wenten sah.
- (3) Sang ngelempasin utawi dustanyane patut katiwakin pamidanda olih prajuru agung – agung manut dosania (manut pararem).
- (4) Prade sang katiwakin tan manut pemutus parajuru, wenang nunas bawos ring sang rumawos (Parisada/Pemerintah), sane patut ngicenin pematut pemekas, tan wicara muah.

PALET 3

• INDIK PITRA YADNYA

Pemargin Pitra Yadnya

- (1) Pengupakaran sang seda
 - a. Nanem sawa tan dados karetekan (keaben) sedereng mesengker langkungan ring awarsa.

- na. Nanem utawi ngeseng sawa maduluran antuk upakara pakingsan, makaihna pakingsan ring Bhatara Brahma, salami nuptupanng prebeya jaga marereka sawa inucap, tan dadus langkungan ring awarsa.
 - ca. Nanem sawe maduluran antuk upakara pangentas dados kepreteka (kaabenan) manut sida (tan kenang masengker)
 - ra. Ngelanus, ngeseng sawa kapreteka premangkin (tan langkung ring 7 rahina).
 - ka. Nyekeh (melelet), suwenipun masengker 42 rahina.
- (2) Atiwa – tiwa utawi upakara pengabenan, sane kengin kaabenan, sawa sane sampun maketu untu. Sane dereng maketus ngawit saking yusa tinggal sasih patut kaaben galungan.
 - (3) Upacara upakara pitra riwesana kaaben mewasta upacara – upakara pitra pitari (bhatara – bhatari).

Pawos 14

Swadarman lan tetegenan prade sinalih tunggil krama desa seda.

- (1) Sang keduhkitan
 - a. Nyadokang ring prajuru tur nunas tetimbang ring kawentenania
 - na. Ngaturang ring prajuru prade jagapependem utawi jaga keaben.

(2) Swadarmaning Banjar / Desa :

- a. Prajuru maritetes pemargin sang keduhkitan napi pacang kependem utawi keabenan.
- na. Nepak kulkul, suaranya manut dadi ring ungkur.

(3) Penyanggran Banjar selanturnia :

- a. soang – soang kerama banjar nedunin patus manut perarem soang – soang banjar, asapunika taler prade lantur pacang kaabenan.
- na. Krama banjar ngambil pekaryan manut dresta miwah ngerombe rikala pengutangan, saha soang - soang mebusana adat sanistanne maselempot.
- ca. Pemargin sawa miwah upakarania mangda dabdab, antar tan kengin masuara gora (ngarap watang).
- ra. Prade murub kadi inucap ring ajeng, angka Ca, katur ring prajuru desa, kakenaning pamidanda manut pararem.

(4) Prade sawane malelet :

- a. Mapewanengan salami 42 rahina, prade tan kasidan sadereng panimaya inucap, mangda ngawentenang pesadok ring prajuru Banjar/Desa
- na. Mungguwing pangabenan manut paetengan banjar – banjar soang – soang.

Pawos 15

Pemendeman patut kadi ring sor :

(1) Nganutun dewasa, miwah tan kluarga mendem :

- a. Rikala Prawani, Purnama – Tile, Budha Kliwon, Anggara – kasih, Tumpek, Kajeng Kliwon, Buda wage.

na. Rikala Bhatara kahyangan ngadeg, piodalan ring sanggah/Pemerajan sang kedukhkitan.

ca. makirim wangk, sejroning desa sehebing Bale Agung Tunggal.

(2) Kelugrayang mendem manut paetangan :

Rare during ketus udel, patut kependem premangkin tan ngetangan padewasan, diastun rikala piodalan sane kabawos galah nadi dados kependem manut caraning sane sampun memargi.

(3) a. Yaning wenten sang tiosan desa mapendem ring setra druwene desa kelan, kekenaning penanjung batu, gung arta (manut pararem prajuru), saha upakara sepatutipun manut dresta.

na. Yaning dura desa matempung ngaben ring Desa Kelan, soang – soang sawa kekenani penanjung batu, (manut pararem prajuru)

Pawos 16

(1) Prade lampus sangkaning salah pati, ulah pati, kebengawan lan sekancanipun, kengin kabakte budal tur kaprateka kadi petut risampunne kemanggale antuk upakara banten panebusan lan pangulapan.

(2) Sang seda sangkaning sakit gila, gring agung, lsp. Risampun kamanggala (1) ring ajeng, kengin kapendem kadi patut.

(3) Upakara pangabenan sang seda inucap ring ajeng masengker manut kecap sastra agama.

(4) Prade wenten sinalih tunggil krama ngerobang kluarga manut (2) ring ajeng, sedereng sangkegeringan seda, patut digelis matamba ke Dokter.

- (5) Prade sang istri seda nganut manik, tan wenang kapendem/kegeseng sedereng bobotanne embas.
- (6) Prade khaman wong seda ring pakarangan, tegalan lsp. Patut sang medrebe sawa marascita genah inucap.

Pawos 17

(1) Mungwing kecuntakan kadi ring sor :

- a. Saking bebanjuran salami tigang rahina.

Yan kapendem / ngaben premangkin, ngawit saking seda ngantos tigang rahina saking mapendem (melabar) buntas. Yaning atiwa – tiwa nyekeh utawi ngerit ngawit saking ngulapin rauh tigang rahina saking pangutangan (melebar) buntas.

- na. Sang seda / padem : Durung kepus udel salami 42 rahina, sane madue oka sane sampun kepus udel ngunggahang salami 12 rahina.

(2) Tan keneng cuntaka :

- a. Sang Sulinggih, pandita utawi pinandita.

- na. Rikala ngewangun yadnya, sane kabawos galah nadi.

- ca. Mangku kahyangan Tiga yan sekirang – kirang ipun 3 rahina jantos 12 rahina, wawu buntas sesampunne meprayascita.

Pawos 18

(1) Atiwa – tiwa (pengabenan) wenten kalih soroh :

- a. Nyawa resi (nyuasta geni).

- na. Sawa preteka, pranawa, ngewangun.

- (2) Nyawa resi kelaksanayang antuk pengawak (langlang) dawning tan ngagah utawi sawane sawane tan kekeniang.
- (3) Sawa preteka klaksanayang antuk ngagah galih utawi mreteka sawa bah bangun.
- (4) Pengabenan inggih punika madudonan sekadi ring sor :
 - a. Ngaskara antuk ngagah utaw nyawa resi.
 - na. Pengutangan antuk ngeseng sawa.
 - ca. Pekiriman
 - ra. Nyekah / memukur

Pawos 19

- (1) Pengabenan kelaksanayang sanistania 10 warsa yaning nyeka utawi ngerit.
- (2) Tata sulur pangabenan manut mapendem ring ajeng maweweh upakara penebas tirta sekadi ring sor :
 - a. Banten ke pura Dalem, peras, daksina muah reruntutan ipun, manut pararem.
 - na. Banten kapura Prajapati, pateh sekadi ring ajeng miwah sesarinniaa saha buat / manut lila.
 - ca. Yaning ngaben nyeke utawi ngerit, manut perarem seka sawa.
 - ra. Banten ke beji, suci asoroh miwah ketipat soda
- (3) Yaning mapendem upakara nunas toya ring Pura Dalem miwah kahyangan miwah Prajapati pemargine manut dresta
- (4) Nyekah utawi memukur, nunas toya ring kahyangan Tiga.

PALET 4

Indik Manusia Yadnya

Pawos 20

- (1) Manusia yadnya inggih punika upakara dharmaning manusa, ngawit saking patemoning kama Bang kelawan kama Petak, sejroning garba ibiang, ngantos lampus riwekas.
- (2) Upacara ring ajeng madudonan sekadi ring sor:
 - a. Megedong – gedongan duk ngerempini ngawit 3 jantos 4 sasih.
 - na. Duk sang kamareka utawi rare wawu medal (embas).
 - ca. Kepus udel utawi puser.
 - ra. Ngelepas aon utawi risampune rare mayuse 12 rahina.
 - ka. Tutugkabuhan utawi risampune mayusa 42 rahina
 - da. Yusa tigang sasih utawi nyambutin.
 - ta. Paweton risampune mayusa 6 sasih nerus nemu Gelang.
 - sa. Ngempugin rikala wawu tumbuh untu.
 - wa. Meketus, upakara sesayut pangerti suara.
 - la. Mungguh deha menek kalih sewala, teruna ngembakin.
 - ma. Metatah / mepandes
 - ga. Pawiwaha ring pagriastane.
 - ba. Mawinten, nunas penugrahan Sang Hyang Saraswati.

- (3) Upacara upakara soang – soang ring ajeng nista, madya, utama nganutin sastra Agama miwah catur dresta, maka buatan desa drestane ngawiwenang sima banjar / desa Kelan.
- (4) Upacara pawintenan manut sekadipawos 10 ring ajeng, miwah upacara upakara pawiwahan manut pawos ring sor.
- (5) Upacara upakara atiwa – tiwa manut sekadi pawos 18 miwah 19 ring ajeng.

PALET 5

INDIK BHUTA YADNYA

Pawos 21

- (1) Bhuta yadnya inggih punika, upacara pebyakalaan ring pratiwi lan kahyangan, sarwa prani, saha upacara upakara ring babhutan.
- (2) Upacara upakara pebyakalan ring sarwa prani :
 - a. Tumpek Landep, nemoning saniscara Kliwon Landep upakara majeng ring sarwa senjata, maka miwah sakelwiring prabot – prabot pekaryan.
 - na. Tumpek pengarah utawi Pengatag, nemoning rahina saniscara Kliwon Wariga, upakara majeng ring sarwa tumuwuh.
 - ca. Tumpek kandang utawi uye, nemoningrahina saniscara Kliwon Wariga, upakara majeng ring sarwa ingon – ingon.

- ra. Tumpek wayang, nemoning rahina saniscara Kliwon wayang, upakara majeng ring sarwa tetabuhan utawi kesenian.
- ka. Upacara upakara pekalan – kalan manusa anut wiguna, katah kebawos pabyakalaan.
- (3) Upacara upakaran pabyakalan ring pertiwi miwah kahyangan miwah Babhutan kawastanin mecaru.
- (4) Pecaruan inucap ring ajeng, nista, madya, utama manut wiguna, kadi ring sor:
 - a. Eka sata, antuk ayam brumbun . asiki.
 - na. Panca sata, antuk ayam lalima.
 - ca. Panca sanak
 - ra. Tawur kasanga.
 - ka. Panca kelud / Balik sumpah, antuk kbo miwah kambing.
 - da. Resigana, antuk bebek blangkalung miwah asu.
- (5) Siwosan ring ajeng kawentenan upakara yadnya sesa (mesaiban) nyabran wusan ngeratengan.

Pawos 22

Upakara tawur kadi ring sor :

- (1) Majeng ring ida bhatara, patut :
 - a. Panglong ping 12 kesanga, nyejerang ida btara ring pura Desa / Bale Agung.
 - na. Pelelastian :
 - panglong ping 13 kasanga ngelastiang Ida Bhatara lung kesegara. Raris nyejer ring bale agung.
 - Panglong ping 14 kesanga, Ida bhatara nyejer ring bale agung.

- Ring tileming kasanga upakara pecaruan, ngelantur ngelukar ring sandikala, ngerupuk / nogtog / megegebug pacang magpag rahina panyepian benjang nia lan ngantukan bhuta kala ring kahyangannia suang – suang.
- (2) Pecaruan manut genah, mekadi :
 - a. Ring Desa , sanistanne panca sata.
 - na. Ring banjar sanistania eka sata.
 - ca. Ring labuh soang – song krama, masegeh agung manut arah – arahan.
 - (3) Ring tepengan upacara ngerupuk, tan kengin langkung ring tengah wangi, riantukan dauh inucap makapenampih rahina benjangnia inggih punika sampun rahina penyepian. Tatacara ngerupuk mangda memargi trepti utawi katureksain antuk prajuru, yaning mamurug keni danda manut perarem.
 - (4) Liyanan ring upakara pecaruyan inucap ring ajeng, kawentenang taler upacara upakara pecaruan sekadi ring sor:
 - a. Penyanggra, ring tileming kapat.
 - na. Ring tileming kalmia, mecaruring pempatan desa.
 - ca. Idangan ring tilaming keenem.
 - (5) a. Indik upakara, kekaryanin antuk Banjar, kesanggra antuk prajuru.
 - na. Wali, tetabuhan manut pegilir.
 - ca. Sejawaning krama banjar sane polih nyanggra upakarane, krama banjar siwosan patut ngiring ngawit saking upakara melastiang Ida Bhatara ke segara gumanti patut upakara tawur kasanganememargi.

- (1) Upacara rahina nyepi, nganutin catur pebratan sekadi ring sor :
 - a. Amati geni , tan kengin meapi – api, sejawaning mekadi ring sor:
 - Sang madruwe rare dereng mayuse tiga sasih, ring genah rarene inucap.
 - Sang matepetin sungkan ring genah sang sungkan.
 - Sang neruwenang layon ring genah layon inucap
 - na. Amati karya, tan kengin nyambut karya.
 - ca. Amati lelungan tan kengin melelungan, sejawanin patilik desa lan prajuru dinas miwah sang polih uak-ujian antuk ilikita pastika.
 - ra. Amati lelanguan, tan kengin mesuara gora, meoneng – onengan/ meplalian, lsp.
- (2) Yaning mamurug brata penyepian inucap, keni pamidanda manut pararem.
- (3) Riwus rahina nyepi, kewastanin ngembak geni, mapiteges pangelukaran yoga, semedi, kadulurin antuk ngaksama soang – soang krama desa/ banjar, makacihna pengawit Icaka Warsa.

S A R G A IV

SUKERTAN TATA PAWONGAN

PALET I

INDIK KRAMA

Pawos 24

- (1) Sane Kabawos krama desa inggih punika kulawargan sane megama Hindu sang jenek mepeumahan ring desa Kelan, sinanggeh wong desa Kelan.
- (2) Sejaba punika sinanggeh tamiu, turmaning manut linggih nyane wenten kalih pawos :
 - a. Ngerawuhin pakulawargan ring desa Kelan, miwah ngaturang bakti ring priangan - priangan desa kelan.
 - na. Ngerereh pangupa jiwa turmaning jemenek jantos sasihan, patut:
 - Sejrone awuku masadok ring prajuru banjar antuk ilikita pastika.
 - Sang tedunin mekrama banjar/desa, kekenanin penanjung batu manut pararem.
 - ca. Siwosan ring megama Hindu kawenangannia
 - Mawirasa miwah ngerereh pangupajiwa, sejrone awuku patut mesadok ring prajuru dinas saha keni sedana krama nyabran sasih manut paetengan soang – soang banjar.
 - Sang inucap keni ayah – ayahan dinas.

Pawos 25

Krama desa/banjar wenten kalih soroh, luwirnia :

- (1) Krama ngarap inggih punika, krama sane sampun wiwaha tur sampun ketedunan mekrama banjar suka – duka, kesaksinin antuk prajuru banjarnia soang – soang.
- (2) Krama balu

Pawos 26

Ngawitin dados krama banjar / desa :

- (1) Sehananning warga desa sane sampun marabian, patut ngawit makrama banjar.
- (2) Ngawit jenek mepeumahan wiadin ngerereh pangupa jiwa sejroning pawidangan desa kelan.
- (3) Malarapan antuk pawiwahan pretisentana manut tata cara agama hindu.

Pawos 27

- (1) Situnggil krame yan medruwe semetonan lanang turmanng soang – soang sampun pada marabian semeton punika patut tedun makrama banjar/desa.
- (2) Sang jenek sane malarapan antuk matilar saking rahayu saking Banjar/ Desa siwosan, patut nedunin makrama desa risampun katur supeksa ring prajuru desa kelan, antuk ilikita pastika.

Pawos 28

Sinalih tunggil krama, wusan mekrama luwirnia :

- (1) Mengingsir linggih saking desa Kelan.
- (2) Seda.
- (3) Kenorayang antuk desane.

4. Salar kalih tata nganorayang, luwirnia:

- a. Pastika wenten sudosan ipun.
- na. Tan tinut ring pituduh parajuru indik nyupat raga ngeschin solah prawerti.
- ca. Ketiwakin pamidanda olih klian desa (Bendesa Adat) tur kapikukuhin olih Paruman desa.
- ra. Sang kanorayang inucap, katur rin sang rumawos (Pemerintah).

Pawos 29

Sang kanorayang inucap majeng, tanwenten polih pesayuban kasukertan desa sekulwirmia, tan wenten polih pahpah druwe banjar/desa, pingkalih yan sang kanorayang inucap enten polih sesakapan karang druwen desa, druwen desa punika kecabut mewantun ring desa.

Pawos 30

Ayah – ayahan ring desa kelan, skadi ring sor puniki :

- (1) Ayah ngarep.
- (2) Ayah balu.
- (3) Ayah roban saking karma dandannan waris wiwit (1) lan (2) ring ajeng, sane sampun munggah deha taruna tur kepupulang ring karma deha teruna, utawi sane sampun mayuse sekirang ipun 16 warsa.
- (4) Krama desa sane melinggih mapaumahan ring tanah druwen desa siosan ring ayahan ngarep, patut taler ngaturang ayah mekadi mereresik ring pura – pura kahyangan Tiga, lsp.

Pawos 31

Krama desa sane madruwe pekaryan minekadi Pegawai Negri, ABRI, utawi
pilih pekaryan ring dura desa, lsp, ayah nyane ring banjar/desa dados kawakilin,
utawi dados katumbas antuk jinah gung arta manut pararem.

Pawos 32

- (1) Ayahan ngarep jangkep sewungkul
- (2) Ayahan balu, kadi ring sor:
 - a. Balu ngelinting keni ayahan mati.
 - na. Balu ngempu, keni ayah miwah pepeson saparo jangkep.
 - ca. Balu makrabian, jangkep sawungkul.

Pawos 33

Swadharmaning karma desa / banjar sejroning ayah – ayahan luwirnia:

- (1) Sahananing warga desane patut :
 - a. Dreda atuang ring desa.
 - na. Tinut satinut ring sedaging awig –awig, pesuara pararem – pararem,
miwah geguwet – geguwet desa siosan.
 - ca. Tan maren ngutsahayang mangda desane mresidayang nyungkemin
mekadi petitise ring ajeng.
 - ra. Natak tis panes kertin desane. Punika mawinan manut sekadi wasan
desane. Kelan.
- (2) wong desa sane kasinanggeh tamiu, wenang :
 - a. Tinut ring tetiwak desa ngananin indik ngupadi kasukertan desane
ring sekala niskala.

na. Tan wenten nungkasin sepemargin kertin desa.

Pawos 34

- (1) Sehanan wong desa, rawuhin sang sinanggeh tamiu, wnang polih pesayuban ngemanggehang kasukertan raga, agama, saha druwenia soang – soang.
- (2) Sehanan warga desa, wenang polih pangayom prajuru manut dresta, ngananin:
- a. sangaskara kauripannia sane mabuat, sane masti- kayang paiketan sulur pakulawargan.
 - na. Kasukertan miwah kesucian ngeraga, pariyangan miwah karangnia soang – soang.
 - ca. Kasukertan druwenia soang – soang.
 - ra. Kabawos, tur katiwakin pamutus sehanan wicarania.
- (3) Sehanan karma ngrep patut nyarengin paruman desa, utwi banjar, saha wenang nyarengin mastikayang pamutus.
- (4) Sehanan karma tan, ngarep wenang nyarengin paruman, nanging tan wenang sareng rikala mastikayang pemutus.

PALET 2

INDIK PRAJURU

Pawos 35

- (1) Desa Adat Kelan puniki, keenterang olih Ki Bendesa.
- (2) Banjar miwah tempekkanian keenter antuk Kelian

banjar miwah kasinoman tempekan sinalih tungguil.

- ⑤ Ki Bendesa miwah klian Banjar keadegang melarapan pemilihan olih parumannia soang – soang manut dudonan.
- ⑥ Prajuru (Kelian Desa Adat) kapilih nyabran 5 (lima) warsa apisan, sejawaning wenten wicara sane mabuat, tur wenang kapilih malih rikala pemilihan selantur ipun.

Pawos 36

- ⑦ Sane patut kapilih kaanggen calon prajuru Desa Adat (Bendesa Adat) ring desa Kelan, wargane sane sampun madrwe cihna luwire:
 - a. Warga desa sang meagama Hindu.
 - na. Warga desa sane sampun mekrama ngarep tur jenek ring wawidangan desa kelan.
 - ca. Yusa 30 – 60.
 - ra. Sakirang – krang ipun tatas ring sastra agama miwah loka cara utawi desa dresta.
 - ka. Nyihnayang laksana Rahayu.

Pawos 37

- ⑧ Kelian desa (Bendesa Adat) kasangga olih prajuru – prajuru minakadi :
 - a. Pangliman desa maka wakilnia.
 - na. Panyarikan desa.
 - ca. Sedahan desa.
- ⑨ Wawilangan panyanggrania madudonan manut akeh kedik karma gegambelan miwah pekaryannia.
- ⑩ Prajuru – prajuru inucap ring ajeng (a, na, ca)

kasudi olih karma desa ,nanging genahnia kasungkemin antuk prajuru.

- ④ Kelian Desa miwah kelian banjar suka dukha kapilih olih krama banjar, tur tan kengin kasudi krama sane tan rawuh ngemiletin duk paruman pemilihan punika.

Pawos 38

Tatacara memilih prajuru

- ① Ngawentenang panitia sane kapilih olih karma desa.
- ② Panitia kinucap sane kasukserahin wewenang, memilih krama desa sane patut kasudi, manut sekadi titahe ring ajeng pawos 36.
- ③ Calon prajuru sane sampun kasudi olih panitia kasiarang ring paruman desa kapungkur, indik sang ngemolihang kasudi antuk kaputusan krama desanne sami.

Pawos 39.

- ① Swadarmaning Kelian Desa (Bendesa Adat) luwirnia :
 - a. Ngenterang paruman – paruman desa.
 - na. Ngenterang pemargin sedaning awig-awig, miwah pemutus - pemutus.
 - ca. Ngerakse sahe ngatur tata gangge seraja brana druwen desa.
 - ra. Nuntun tur ngenterang krama, rauhing warga desa ngupadi kasukertan desa sekala niskala.
 - ka. Nuntun saha nyaksinin tatacara miwah sangaskarania kauripan mabuat, sane ngilitang pakulawangan.
 - da. Nuntun saha ngenterang iwarga desa ngupadi

nginggilang Sang Hyang Agama, kasucian, kahyangan-kahyangan, pawongan, palemahan, miwah tatacaraning ngangge setra.

ta. Mawosang miwah niwakang pemutus marep ring wicara warga desa.

sa. Ngewakilin desa miwah banjar matemuang bawos.

wa. Miwah sane siosan manut dresta.

- (2) Tatacara ngelaksanayang swadarma ring ajeng, tanmaren patut anut ring sedaging awig -awig, pararem, dresta miwah pamutus - pemutus paruman desa, utawi banjar.
- (3) Pengelaksanane ring ajeng patut kesiarang ring paruman desa utawi banjar.
- (4) Kelian Desa (Bendesa Adat) miwah Kelian Banjar Sumakuta ring pamutus paruman desa utawi banjar ngananin pengelaksanaan swadarmannia soang-soang.

Pawos 40

~~062~~- olihan prajuru desa adat, luwirnia :

- (1) Polih leluputan ayah pingkalih miwah kekenan siosan manut perarem.
- (2) Polih cenengan sehananing duman ring desa, manut pararem.
- (3) Rikale rahina penyepian, prajuru polih wastra, saput lan destar pada mabidang, manut kawentenannia.
- (4) Sang sampun wusan keanggehang prajuru desa utawi banjar masengker sekirangnia 5 warsa, polih leluputan ayah ring desa 6 sasih suwenipun.

- ⑤ Miwah ulihan – ulihan siwosan manut pemutus pararem.

Pawos 41

Seadarma pingkalih ulih – ulihan prajuru siwosan, medudonan manut pemutus pararem.

PALET 3

INDIK PARUMAN

Pawos 42

- ① Paruman – paruman ring desa Kelan, luwir ipun:
- a. Paruman desa adat.
 - na. Paruman Banjar.
 - ca. Paruman Prajuru desa.
 - ra. Paruman krama truna – truni.
- ② Sehanan paruman sida lumaksana yan sampun katedunin antuk sang patut nyarengin, bilih langkuŕangan ring atenga keh ipun, saha mebusana nyelepot, tur tan kengin makta gegawan.
- ③ Sehanin pamutus kautsahayang pisan mangde melarapan antuk gilik seguluk, briyuksiu; bilih tan kesidayang, suarane sane makehan sinanggeh pamutus.
- ④ Ring sehanan paruman tan maren kamanggale antuk pengarcana ring Ida Bhagawan Penyarikan saha widi widana utawi Cana.
- ⑤ Paruman krama teruna – teruni kawentenan napkala manut kawentenan bawos sane mabuat.

Pawos 43

- Paruman desane patut kawentenang nangken enem sasih apisan, rikalaning rahina : Anggara - Kliwon - Medangsya, sejawaning wenten indik sane mabuat jagi kebaosang, dados lebihan ring apisan.
- Nangkenang paruman kadi ring ajeng, Kelian Desa (Bendesa Adat) patut nyiarang pemarginnyane ngenterang desane, pamekas nanganin indik :
- a. Munjuk lungsuring pekraman miwah ayah – ayahan.
 - na. Pemargin, pencelas, miwah sulur tata ngangge druwen desa.
 - ca. Pemagin usaha – usaha desane sane mabuat.
 - ra. Sahanan wicara saha pamutus – pamutusan
 - ka. Daging perarem miwah pasuaran –pasuara sane mabuat.
 - da. Rencana prajurune ngananin indik kartin desane kapungkur.
 - ta. Miwah sane Siwosan.

Pawos 44

- Sewosan kadi menggah ring ajeng (pawos 43, (1)), paruman desane taler kewentenang yan kawidi olih krama desa sanistane sareng-sareng banjar.
- Sang ngawidi patut mastikayang unteng sane patut bawosan ring paruman inucap.
- Paruman desane kadi puniki taler patut katiwakin pamutus kadi ring ajeng.

Pawos 45

- ③ Paruman prajuru desane paut kawentenan sanistane asasih apisan.
- ④ Paruman inucap katuntun olih Klian Desa (Bendesa Adat).
- ⑤ Sehanan prajuru desa sami patut nyarengin paruman inucap.
- ⑥ Paruman prajuru inucap kapatutang / wenang ngarincikan tata upaya ngelaksanayang kasukertan desane miwah pangerencana sakaluwirnia.
- ⑦ Sehanan sane kerencanayang antuk prajuru, bilih-bilih sane kerencanayang sederhana kapikukuhin antuk pemutus paruman desa utawi banjar manut dudonan.

Pawos 46

Paruman desane wantah sinanggeh pangawisesa sane wenang nyelem putihang tata pangenter desa manut dresta.

PALET 4

INDIK DUSTA MIWAH BAHAYA

Pawos 47

- ③ Sehanan warga desane yening uning ring wenten jadm melaksana dusta, patut digelis utawi pramangkin nguningayang / masadok ring prajuru.
- ④ Laksanane sane sinanggeh dusta kecaping ajeng, luwirnia:
 - a. Jiwa bhaya.

na. Artaha bhaya.

ca. Geni bhaya.

ra. Pelegandangan pamekas.

ka. Duracara ring agama.

- ③ Bilih mabuat kawentenan ipun, sang sane ngatonin/mangguhang patut digelis nyuwarayang kulkul banjar anut ring rupan pengelaksana ipune.

Pawos 48

- ③ Sehananin warga desa yaning ngatonin/mangguhang bhaya utawi penangkan bhaya, patut premangkin atur uninga ring prajuru.
- ③ Bilih mabuat kawentenan ipun, sang ngetonin / mangguhang patut digelis nyuwarayang kulkul banjar.
- ③ Bhaya utawi penangkan bhaya menggah ring ajeng, upaminyane umah puwun, belabar lan sane siwosan.

Pawos 49

- ③ Warga desa sane kaicalan utawi kemalingan, yening pacing maseserep, patut nunas kebebasan miwah panuntun ring kelian banjarnia.
- ③ Yaning genahe maseserep ngelangkung ke banjar siwosan, patut nunas kebebasan utawi uwak – uwakan ring kelian banjare irika.
- ③ Kelian inucap ngicenin penuntun, mangda tata cara meseserep manut kadi dresta.

Pawos 50

- ③ Sehanan warga desa yaning polih nuduk barang saka luwire patut atur uninga ring kelian banjarnia.
- ③ Kelian inucap nyihnayang barang dedukan punika mangda

sang madruwe sidha mewantun ngamolihang barangnyane. Sang mariangkenin patut nyidayang nerangang/niwasang, mungguwing barang punika mula wantah padruwenia.

- ④ Prade jantos 3 sasih tan wenten jadmā ngelingan wenang kadruwe antuk sang nuduk.

PALET 5

INDIK KULKUL

Pawos 51

- ① Kulkul ring Desa Kelan wenten 5 (lima) soroh luwir ipun :
- a. Kulkul Desa magenah ring Bale Agung.
 - b. Kulkul Banjar magenah ring soang-soang Banjar.
 - c. Kulkul Pura magenah ring pura soang-soang.
 - d. Kulkul sekhe teruna truni magenah ring soang-soang banjar.
 - e. Kulkul sekehan-sekehan magenah ring prajuru soang-soang.
- ② Kulkul Desa, Kulkul Banjar, kulkul seka truna truni, miwah kulkul sakeha tan wenang ketepak yan tan manut kadi daging awig – awig punika.
- ③ Tabuh tetepakan kulkul Banjar pastika masewos – sewos manut tetujonnya lwire:
- a. Tengeran upacara yadnya Desa utawi Banjar ngompang sekadi sane lumrah.
 - b. Tengeran wenten sinalih tunggil warga Desa sane.

seda / padem kulkul anggen nunggak sekadi lumrah.

- c. Ngawit ngelaksanayang pekaryan kadi sampun kearahen utawi kesiaran manut sekadi lumrah.
 - d. Tengeran wenten wong kepelegandang.
 - e. Tengeran wenten sinalih tunggil wong Desa kemalingan bulus 1 (satu) tuludan cutet (tung, tung, tung)
 - f. Tengeran wong desa keamuk, kebegal utawi kebaak/miwah bhaya pati sewosan bulus tiga (3) tuludan (tung tung tung, tung tung tung, tung tung tung).
 - g. Tengeran wenten umah puwun bulus ngelantur tung tung tung tung tung.
5. Kulkul desane tan wenang katepak sejawaning mula wantah tetengeran patut katiwakin ring wong Desane sami, umpami yadnya Desa, paruman, pakaryan wong Desa, segrehan miwah bhaya pati.

Pawos 52

6. Kulkul desane miwah banjare tan wenang katepak yan tan sangkaning kebebasan kelian desa miwah banjar soang – soang manut dudonan, sejawaning rikala pacang ngawenten tengeran kebhaya pati kadi mungguh ring ajeng.
7. Sang nepak tan sangkaning pituduh, patut digelis antuk supeksa ring kelian maka buatan pancpekane kadi ring ajeng.

Pawos 53

Sehanan kulkul banjar sewewidangan Desa Adat Kelan puniki patut kasarengin katepak, prade wenten sinalih tunggil kulkul Banjar/Desa nyihnayang wenten amuk/bhaya pati.

Pawos 54

- (1) Suaran kulkul tengeran pekaryan patut katedunin antuk ayahan manut ring daging dedauhan utawi siarane.
- (2) Suara kulkul tengeran bhaya pati patut katedunin ayahan lanang, lemetenan, igihan ngarep, balu rawuhin sekhe truna – truni, saha gegawan pamitulung, anut rupan bhayane.

PALET 6

INDIK PAMIDANDA

Pawos 55

- (1) Desa utawi banjar wenang niwakang pamidanda ring wong desane sane sisip (salah)
- (2) Tatiwak inucap klaksanayang olih kelian Desa utawi Kelian Banjar nunggal – nunggal manut dudonan.
- (3) Bacakan pamidanda luwirnia:
 - a. Ayahan pamukun kasisipan (ganti rugi)
 - b. Danda artha.
 - c. Panikel – panikel urunan utawi panikel dedandan.
 - d. Upakara penyangaskara (meswaka)
 - e. Kenorayang / kawusang mekrama ajebos (skorsing).

Pawos 56

- (1) Pamidandane katiwakang patut manut ring awig- awig, pesuwaran, pararem, utawi dresta miwah agama miwah adung ring kasisipania.
- (2) Agung alit pamidandane sane katiwakang mesor singgih manut ring kasisipania.

Pawos 57

Pinah utawi raja brana pamidandania ngeranjing dados druwen banjar utawi Desa manut dudonan.

PALET 7

INDIK PENYANGGRAN BANJAR

Pawos 58

- (1) Pekaryan druwen sinalih tunggil krama sane mabuat, tata penyanggrannye kasukserah ring banjar soang – soang.
- (2) Banjare wenang ngardi awig – awig ngemanggehang tata carane nyanggra pekaryan kramane mungguh ring ajeng.
- (3) Daging awig – awig patut medasar antuk arsa prana tulung ring sang mekarya nanging tan maren miteketang kesusatyan kramane ring banjar miwah Desa.
- (4) Bilih karyane dahat – bobot, banjare wenang ngeruruh penampih ring banjar sewosan.

Pawos 59

- (1) Pekaryane sane patut kesukserahang ring penyanggran banjar, luwire:
 - a. Ngupakarang Sawa.
 - b. Sehanan pengabenan yadiastu tanpa sawa.
 - c. Miwah pekaryan – pekaryan sewosan manut ring awig – awig banjare (upami ngisidang umah, ngeraabin umah, lan seluwir ipun).
- (2) Sejaba kadi inucap ring ajeng, pekaryan – pekaryan ring sor puniki taler kengin ketunasang penyanggran banjar, luwir ipun:
 - a. Sehanan yadnya.
 - b. Ngisidang sakluwir tetangunan (bale, pawon, jeneng, lan seluwir ipun).

Pawos 60

- (1) Awig – awig banjare ring ajeng, tan kengin kelaksanayang sedurung kececirenin antuk Kelian Desa (Bendesa Adat).
- (2) Daging awig – awig inucap patut tan maren ngadungan munggwing wibuh kancit pekaryanne ring agung – alit penyamburan ring banjar.

PALET 8

INDIK PAWIWAHAN

Pawos 61

- (1) Pawiwahan inggih punika patemoning purusa lan pradana malarapan penunggalan kayun suka cita

Kadulurin upacara upasaksi sekala kelawan niskala (Magusa saksi lan desa saksi).

- (2) Pemargin pawiwahan wenten tigang soroh, luwire :
 - a. Pepadikan, kemanggala antuk pekerunayan.
 - na. Ngerorod, ngerangkat riyin wawu kekerunayang.
 - ca. Nyeburin utawi nyentana (risampun ketegepin antuk upakara pejati/jauman).
- (3) Pidabdab sang wiwaha, patut :
 - a. Sampun manggeh deha taruna.
 - na. Sangkaning pada rene (tan paksa).
 - ca. Manut kecaping agama (tan gamia – gemana, sada wedari).
 - ra. Prade pengambile tios agama, kemanggala antuk upakara penyambutan, manut dresta.
- (4) Pemargin pawiwahan (perabian) inucap ring ajeng mangda taler nganutin Undang – Undang penegarane inggih punika UU No. 1 warsa 1974 saha PP. No. 9 warsa 1975, miwah pasuwara sane kamedalan antuk Gubernur Kepala Daerah Propinsi Bali.
- (5) Sang sane murug kecaping ajeng, manut tripremana, patut:
 - a. Tan manut kecaping (3). na, menawi kapaka (keplegendang) antane kengin kapalasang tur kadanda gung arta werat 100 kilogram beras.
 - na. Sang ngeruronin (ngicen genah) antene saha tan mesadok ring prajuru adat lan dinas jantos 3 rahina suwene, pengeruron inucap keni danda gung arta 25 kilogram beras, miwah sang nyarengin melegandang keni 50 kilogram beras.

- ca. Tan manut kecaping agama, kedanda werat 100 kilogram beras, lan perabiane kepalasang.

Pawos 62

- (1) Perabian sane patut ring Desa Kelan manut kecaping pawos 24 (1) risampun makacihna :
- a. Pawidiwidanan, sanistane pabyakala (medengan – dengan).
 - na. Kesaksinin antuk prajuru – prajuru adat lan Kelian dinas, pengesahan ring sang ngawewenang (Camat).

(2) Perabian tan kepatut, sekadi :

- a. Natab upakara sangkaning pepaksaan.
- na. Sinalih tunggil tan rawuh miwah tan wenten ilikitania.
- ca. Nenten wenten saksi miwah ilikita.

Pawos 63

Tata caraning pawiwahan patut sekadi ring sor :

(1) Sapasira ugi pacang ngawentenang jeroning pewarengan kulawarga, patut masadok ring prajuru, sane pacang maritetes manut tan manut sekadi kecap pawiwahan punika.

(2) Pengerangkatan :

- a. Reraman sang purusa ngawentenang pamilaku (pejati) antuk duta sakirangnia kalih diri, saha tan kengin kasepan ring arahina, sejawaning sang ngambil saking siwos desa, kengin kasepan jantos 3 rahina.
- na. Yening tan wenten pamilaku, kengin netes (neteg) keanter antuk prajuru dinas/adat saha nganutin tatacara netes sekadi ring sor (Pawos 64).
- ca. Pegenahan antene tan kengin ring paumahan sang purusa, sederenge mabiyakala, sejawaning wadone saking dura desa adat kelan.
- ra. Yening antene miwah kulawargania sampun pada arsa dados kabakte budal ring genah sang lanang wiadin wadone.

(3) Sejeroning pekrunan (pengelukuan) patut :

- a. Kamanggala antuk geng pengampura (melaku pelih) arep ring reraman wadone.
- na. Kaigumang kebawos mungguwing pewartangane gumanti prasida pada arsa/pada lila sejeroning pakulawargan lanang – wadon.
- ca. Risampun kabawos mmungguwing pawarangane sampun preside patut galang apadang, keigumang malih indik pedewasaan jaga pekerab kambene kapungkur.
- ra. Risampun puput upacara palumakuan makamiwah pewartangan kadi ring ajeng, wawu kelaksanayang upakara pawidi-widana manut sekadi padewasan ping kalih kebawosang sane sampun pada cumpu ring pewartangan riya.
- ka. Yaning palumakuan sekadi ring ajeng tan katerima, kemargiang pepadikan jantos ping tiga. Selantur ipun yan tan katerima, kaserahang ring sang rumawos.

(4) Pekerab kabian mapiteges upakara tinas apadang (puput) mapikuren, dwaning manut sekadi ring sor:

- a. Sejeroning bebawos kelaksanayang ring sekala niskala antuk sarana jauman miwah pewidiwidanan
 - Jauman pinaka ngambe/ngadunang kayun soang-soang kulawarga.
 - Widi widana pinaka pejati niskala nunas wadone ring keluhurannia.

na. Sejeroning pakurenan ring sekala :

- Kesaksiang antuk prajuru adat lan dinas tur keilikitayang mungguwing wenten sinalih tunggil warganne wiwaha.

ca. Tan kapatutang makta jauman yaning wenten kapialangan ring keluarga wadone.

Pawos 64

Tata cara netes pangerorodan:

- (1) Sang pacang netes pangerorodan, patut masadok tur nunas panuntun ring prajuru desa. Prajuru desa patut nureksa natasang punika, jati tan jatine patut wirang sang ngerorod.
- (2) Yan linggihnyane jati – jati pernah wirang, prajuru patut digelis nganter panetesan punika kagenah sang ngerorod.
- (3) Sang netes patut satinut ring sapituduh kelian ngenanin tata cara netes pangerorodan, luwirnia:
 - a. Ngeranjing ring genah inucap tan langkung ring 2 diri.
 - na. Tan kengin makta senjata/gegawan sekeluwirnia.
 - ca. Tan kengin matingkah saha mebawos purusya nantang – nantang.
- (4) Senampake, I kelian patut medabdabin mangda tatacara penetesane trepti, makabuatang mangda anake istri sane ngerangkat jati-jati polih nyihnayang idep nyane sebebass ipun. Wirang seserepe mangda polih miring bawos anake istri punika.

Luwir pidabdabe :

- a. Anake istri kegenahang ngeraga, tan dados anak siwosan ngenampekin yaning kirang ring 3 depe, tur tinas ring inange.
 - na. I kelian nuntun nulurin, mangda sang netes polih matakon ring sang istri punika.
 - ca. I Kelian nyumakutayang pemekas ring sang istri, mungguwing dane pacang ngicenin pasayuban manut ring daging idep sang istri. Yan pada pacang arsa pangerorodane, sang netes pacang matulak. Yan sangkaning pepaksaan, sang lanang pacang katiwakin pamidanda manut pararem.
- (5) Pemupute, I Kelian dumugi melaksana manut ring pemutus idep anake istri inucap.

Pawos 65

- (1) Piteges pawiwahan, patut sang lanang merabi adiri, asapunika swalinya sejawaning pasubaya paitungan siwos.
- (2) Dados merabi langkung ring adiri yaning sampun polih paiguman olih rabine sane dumunan.
- (3) Yaning wenten logika sanggraha patut kesakapan tur keni pangererebu ring pura saha miara bobotania. Yaning sang mobotang langkung ring adiri, soang – soang keni pamidanda werat 50 kilogram beras saha lanang istri ngerebu ring Pura.

- (4) Yaning wenten mamitra ngalang sang ngawenang cemer desa Kelane, wenang kasisipan antuk pamidanda beras werat 50 kilogram, saha ngerebu ring Pura, yaning presida mabuktinyang manut tripremana.
- (5) Yaning wenten dratikrama muang paradara, lsp, kasisipang antuk pamidanda beras werat 25 kilogram, saha prascita durmangala ring Pura. Saha katemu tanganin olih sang rumawos manut perarem.

PALET 9

INDIK NYAPIAN

Pawos 66

- (1) Pawiwahan sida kawusang malarapan antuk palas marabian utawi padem.
- (2) Wusan mapakuren seantukan sinalih tunggil seda mapiteges balu.
- (3) Palas marabian wenten sangkaning lilacita utawi wiwit wicara, perachina tan tumus suka citaning panunggalan idep sang alakirabi, mapiteges nyapihang.
- (4) Sang ayat palas marabian anut angka 3 ring ajeng, supeksa pailikita ring sang rumawos (Pengadilan Negeri) wastu tinas apadang, pamutus kabawos nyapihang, ngelantur prajuru nyiarang kewentenannya ring Desa.

Tatacara Palas Merabian

- (1) Sulur palas merabian yaning sinalih tunggil :
 - a. Anyasar laku, cede angga, riwosaning laku, matilar tanpa sadok, miwah sentana wak-parus-ia tan prasida malih adung.
- (2) Yaning wicarane katumusang antuk lanange, patut makacihna :
 - a. Istrine paradara (anyasar laku).
 - na. Istrine amandal sang – game utawi meambul – ambulan jantos enam sasih.
 - ca. Istrine cede angga/tan prasida nyanggamen.
- (3) Yaning wicarane katumusang antuk wadone macihna :
 - a. Lanange dratikrama
 - na. Wangdu (cede angga).
 - ca. Tan nyanggamen saha tan ngupa jiwa jantos enam sasih.
- (4) Yaning manut Tri Premana sang mewicara inucap ring ajeng angka 2, 3, :
Prabian kengin kepalasang kesaksinin antuk prajuru.
- (5) Yaning palas merabian sangkaning pada lilacita patut:
 - a. Pagun kayan polih pahan pada
 - na. Bekel/tatadan soang – soang kekuasa niri – niri, sakewanten warisan kekuasayang antuk purusa.
 - ca. Nyeweruhang miwah pungupajiwa pretisentana manut swadarmaning Guru Rupaka.

- (1) Yaning riwekas sang palas kacihnayang adung malih patut :
 - a. Melaksanayang pawiwahan malih :
 - Pawidi – widanan, sanistane pabyakalan.
 - Kesaksiang antuk prajuru – prajuru Dinas lan Adat
 - Keunggahang sejeroning peilikitan tur ketunasang ring sang ngawenang (camat).
 - na. Keni pamidanda saking krama Desa marupa beras makuweh ipun satus (100) kg.

PALET 10

INDIK WARISAN

- (1) Warisan inggih punika tetamian artha brana saha ayah - ayahan ngupadi sukerta sekala niskala saking keluhurannya arep ring turunanya.
- (2) Sang sinanggeh warisan luwirmia :
 - a. Druwe tengah mekadi bukti pura dadya, siwakrama pemerajan lan luwiripun.
 - na. Pemerajan (sangguh) kemulan.
 - ca. Wenten artha brana miwah tetegenan/ ayah – ayahan merupa warisan.

Pawos 70

- (1) Ahli waris luwirmia :
 - a. Pretisentana purusa.
 - b. Sentana rajeg.
 - c. Sentana peperasan lanang / wadon.
- (2) Yaning tan wenten sekadi ring ajeng kang sinanggeh ahli waris :
 - a. Turunan purusa pernah ngunggahang, mekadi rerama misan, mindon.
 - b. Turunan purusa pernah kesamping, mekadi keponakan misan, mindon.

Pawos 70

Swadarman pewaris patut ;

- (1) Nerima saha nguasayang tetamian pahan saking keluhurannia, mekadi ngerempon sanggah, pura saha mengupakara miwah penyelidihi ayah – ayah pewaris.
- (2) Ngabenan pewaris saha ngelanturang upakara ring pitra.
- (3) Nawurin utang pewaris.

Pawos 72

Pengepahan waris manut sekadi ring sor :

- (1) Risampun kelaksanayang pitra yadnya lan utang – utang pewaris buntas ketawur.
- (2) Para ahli waris polih pahan pada sangkaning pagunakayan.
- (3) Sinalih tunggil ahli waris ring ajeng kengin tan polih pahan yaning:
 - a. Matilar (magentos) saking sangkaning ngutang

tetegenan utawi dewabraya agama Hindu.

- b. Alpaka guru rupaka (guru swajaya)
- c. Sentana rajeg kesah mewiwahan malih pretisentana nyeburin, soang – soang kebawos ninggal kedaton.

(4) Yaning boya ahli waris kengin nguponin kewanten, anut dudonan :

- a. Sentana luh, salami durung kesah mewiwaha utawi alpaka guru, yaning logika sanggraha mewastu madruwe pianak, kengin ngewaris pangunakayan sentana luh inucap mekadi biyange.
- b. Balu luh wiadin balu muani nyeburin (boye sentana).
- c. Mulih deha wiadin teruna riantukan ring pawiwahan pecak sampun ninggal kedaton.

(5) Pewaris kengin mapaweweh rikala maurip, pinaka :

- a. Jiwa dana, tadtadan / bekel, makacihna paweweh tetep ring ipianak sane kesah mawiwahan.
- b. Pangupa jiwa paweweh padgatakala pewaris make pamupon hasil kumawon.
- c. Pedum pamong / patung raksa, pahan waris padgatakala ngantos pedum jumenek.

Pawos 73

(1) Prade sajeroning pakulawangan wenten ahli waris langkungan ring adiri :

- a. Kawentenang paigum indik padum waris inucap.
- b. Yan tan prasida kengin nunas tetimbang ring kerta desa (Kelian Desa).

- c. Prade taler tan wenten cumpu ring penetep ring kerja Desa, kengin numusang ring sang rumawos.
- (2) Yaning wenten karang padi keputungan, wenang sang prajuru Desa mawosin (nureksa sila-sila) sulur pakulawargan turnimbakang ring :
- a. Ahli waris saking purusa manut pawos X. 2.
 - b. Yaning tan wenten kecaping angka 1 kengin ketibakan ring wadon.
 - c. Yaning taler tan wenten inucaping angka 2 wawu kengin sekama-kama saha megama Hindu.

PALET 11

INDIK SENTANA

Pawos 74

- (1) Sinalih tunggil karma yan pacang nyapihang/ngidih sentana patut mesadok ring iprajuru banjar/Desa Adat sanistan ipun asasih (pesasur rahina) sedurung dewasa pamerasan.
- (2) I Prajuru inucap, patut nyiarang ring Banjar saha ngaturang ring Prajuru Desa Adat.
- (3) Sang sane merasa keberatan ring pemerasan punika, sekirang ipun awuku, sedurung dewasa patut nunas bawos ring prajuru Banjar/Desa Adat, I prajuru ngicenin pamutus bawos tekepin ring sastra, daging awig – awig miwah dresta siwosan.

Pawos 75

- (1) Sane dados karsang anggen sentana, jadma sane during merabian, kaping ajeng pengambil manut dudonan saking semeton purusa yen tan wenten wawu dados ngambil saking semeton turunan wadu, asapunika selantur ipun ngantos rawuh katunggalan sembah, sanggah gede, pedadianan, yening irika taler tan polih wawu dados sekama- kama, sajeroning warga sane nganutin agama Hindu.
- (2) Indik sentana tan dados lintang ring adiri sejawaning sampun wenten kabebasan saking pekadangan ipun sane pinih nampek.

Pawos 76

Pastika madeg sentana yening sampun maperas tur kesaksinin antuk I Prajuru Banjar/Desa Adat, I sentana patut madruwe ilikita patra saha kalingga tanganin olih I Prajuru Banjar/Desa Adat tur kemanggehang ilikita ipun ring sang wewenang.

Pawos 77

- (1) Yening wenten jadma sentana luh sampun merabian sekantun ipun merabian tan dados malih ngerereh anak lanang siwosan.
- (2) Anak muani nyeburin sentana luh tan dados ngerereh kurenan malih, yan tan polih kebebasan saking kurenan miwah matuan ipun.
- (3) Yening sentana luh punika padem, sang nyeburin patut kaperas olih matuan ipun sadurunge malih, pianake sane saking kurenanyane wawu patut polih waris saking pederbean I Sentana.

- (1) Jadme muani sane nyeburin sentana luh tur sampun ngewentenang pianak prade padem sentana luh miwah matuan ipun tan dados ngerereh kurenan malih , yan tan polih kebebasan ring pianak.
- (2) Yaning pianak iipun kantun alit, kabebasan punika kejantosan dumun gumanti pianak punika truna / daha. Nanging yan sampun polih kebebasan saking pianak utawi pekadang ipun sane pinih nampek, pianak ipun sane saking pakurenan sane wawu, patut waris, saking pederbean padruwen I sentana, sejawaning wenten ilikita pasubayan sane sampun kasinanggeh pastika olih I Prajuru Banjar / Desa Adat.
- (3) Yaning sane nyeburin sentana punika pacang mamurug ngerereh rabi malih tur nenten yantos pianak ipun daha/ teruna, pungkuran pianak ipun saking gunakayan ipun sareng kurenan sane wawu, kepunggelin waris saking rabin sentana ipun sane riyinan.
 - a. Semaliha yan jadma muani ipun kantun anggeh maumah ring genah ipun, nyeburin pianak ipun saking I sentana, pungkuran taler polih pahan waris saking gunakayan jadma muani.
 - b. Yening pianak ipun muani saking pakurenan ipun sking wawu, nenten kewehin kewenangan ring umah pekarangan wiadin padruwen wit saking sentana luh.

- (1) Yaning wenten anak luh, sane pacang makurenan/merabian tur sedurunge ipun merabian punika sampun madrebe pianak, sane durung kawidi-widanan, patut pianake punika kekaryanan banten/yadnya gumanti ipianak punika tan kabawos pianak bebinjat.
- (2) Anak daha/balu luh yaning gumanti ipun beling/mobot ring jumah ipun tur tan mesadok ring I Prajuru Banjar miwah desa adat gumanti rarene punika lekad, pianake punika tan dados polih pahan waris ring matuan ipun.
- (3) Anak luh daha/bakti tur ipun ketiban abot, beling ring jumah ipun masadok ring I prajuru kelian banjar/desa ada*, dipradene rarene punika polih waris, saking sane mekardi belinge punika yaning sang inucap kantun anom. Yaning tan sida makurenan, sane tan nyak punika kasisipan tur kadanda manut kepurusan pararem.
- (4) Anak muani/lanang sampun makurenan prade ipun madruwe bobotan, sangkaning memitra patut sang kalih punika kadanda ageng – alit manut pararem, tur yaning anak lanang punika sampun polih kebebasan ring keluarga utawi kurenan ipun, patut kerorodan sane kasaksinin ring I Prajuru/Desa Adat.

- a. yaning wenten anak luh daha/truna jantos atiban bobotan ring umah ipun megenah tur tan wenten anak ngakuwin, sang madrebe pianak punika, patut kapidanda, taler risampun ipun wusan abot, ipun kekeniang abot pengaskanan gumi, marupa prayascita septut, manut pararem prajuru desa adat.
- b. Malih sekantun ipun abot/beling sang ketiben punika tan kengin ngaturang sembah ngeranjing ring pura periangsan - periangsan desa.

Pawos 80

Jadma muani nyeburin sentana luh prade kurenan miwah matuan ipun padem tur madruwe pianak, jadma muani punika kengin ngerereh kurenan malih yaning sampun polih kebebasan saking pekadang I sentana sane pinih nampek, tur pianaknyane saking pakurenan ipun sane wawu, patut polih waris saking padruwen I sentana.

Pawos 81

Paduman waris pianak lanang miwah pianak istri pateh - pateh yaning sane istri dados daha/tua.

Pawos 82

- (1) Waris kening kaduman, tur kekuasayang olih pianak sesampune reraman ipun miwah leluhur ipun keabenan.
- (2) Ilerama sane kantun maurip, dados nguwehin ipianak arta berana, sane kawastanin jiwa dana, akueh ipun manut pituduh irerame.

Irerama muani wiadin irerama luh sentana, kengin meligayang tetatadan ring pianak.

- (1) Daha tua/truna tua, tan kuasa ngangkat sentana sadurunge polih kebebasan saking nyaman – nyaman ipun sane pinih nampek.
- (2) Daha tua/truna tua, sane nunggalin kedados ngangkat sentana yening sampun polih kebebasan antuk pekadangan sane pinih nampek.

S A R G A V

SUKERTAN TATA PALEMAHAN

PALET 1

INDIK DRUWEN DESA

- (1) Kahyangan desa sekadi Pura Desa, Pura Pusch, Pura Pererepan Dalem Sakenan, Pura Dalem Kahyangan lan Penatara, Merajapati, Pererepan Ratu Ayu Jangkep sakeluwir busananya patut kasanggra olih krama Desa Adat Kelan.
- (2) Druwen Desa pingkalih pelaba pura ring Desa Kelan wenten sekadi ring sor :
 - Sawah wenten tigang pelebah sekadi :

- Ring Desa Glogor Carik wewengkon Kecamatan Denpasar Selatan, pipil nomor 423, kelas I Persil 54 SP Linggah 64 are.
- Ring Desa Petingan meduwi Kecamatan Denpasar Barat, ipil nomer 446, Kelas II, persil 90 SP, Linggah 64,7 are.
- Ring Tanah Kilap Kecamatan Denpasar Selatan, pipil nomer 446. Kelas II, persil 91 SP, Linggah 77 are.
- Tegal druwen Desa lan pelaba pura wenten kutus pelebah sekadi :
 - Ring Desa Glogor Carik Denpasar Selatan, pipil nomer -, Kelas I, persil 20 dp, linggah 84 are.
 - Ring Tagtag Seminyak Kecamatan Kuta wenten kalih pelebahan :
 - Pipil nomer -, kelas I, Persil 337, linggah 21,5 are.
 - Pipil nomer -, kelas I, Persil 339, linggah 22 are.
 - Ring Desa Kelan wenten enem pelebahan sekadi:
 - Pipil nomer -, Kelas I, Persil 6 da, linggah 50 are.
 - Pipil nomer -, Kelas I, Persil 8 dp, linggah 1.275 are.

- Pipil nomer -, kelas II, Persil 13 dp, linggah 49 are.
- Pipil nomer -, kelas II, persil 2 dp, linggah 6 are.
- Pipil nomer -, kelas II, persil 4 dp, linggah 1 are
- Pipil nomer 5, kelas I, persil 19, linggah 28,5 are.
- Pipil nomer 5, kelas I, persil 19, linggah 4,5 are.

(3) Setra wenten kalih pelebah keempon olih kramanya manut dresta.

(4) Piranti – piranti Desa Adat Kelan luwire: wewangunan ring pura – pura penyiwian desa sekadi ring ajeng lan wewangunan – wewangunan siwosan.

Pawos 86

- (1) Tanah pelaba pura inucap ring ajeng pemuponnya keanggen ngaskara ring penyiwian Desa agung alit manut nista madya utama, ping kalih macikang sehanan wewangunan inucap ring ajeng. Kekirangan prebeya tan maren kekuronin antuk swadaya krama desa manut perarem.
- (2) Druwen desa tan kengin keadol ketukar wiadin kegadean sejawaning sangkaning mebuat pisan[†] manut kadi tetujon, saha sampun kararemin antuk krama desa.

- (3) Yan wenten sinalih tunggil krama desane sane tan⁶ madruwe genah paumahan tur mamanan jage ngangge druwen Desa I kerama dados magenah ring tanah druwen desa yan sampun kailikitayang olih prajuru tur tan maren satinut ring sapituduh prajuru manut pararem.

PALET 2

INDIK KARANG, TEGAL LANCARIK

Pawos 87

- (1) Krama sane ngamong tanah karang apelebahan patut ngewatesin karang inucap.
- (2) Yening wenten krama desa ngaryanin wates karang sane nemonin wates karang penyaib, mangda mesadok ring prajuru desa utawi kepala lingkungan tur ngewentenang pasubaya sareng sang madrebe karang penyaib tur kesaksinin olih prajuru desa.
- (3) Wates sisi kangin miwah kaler patut kekaryanin olih sang madruwe karang inucap reh punika mewasta wates gegelang keluwar.
- (4) Karang paumahan sane kebengbeng punika mangda kebawosan margi wiadin rurung ring wates sane ngeranayang karang punika kebengbeng melinggah 1,50 m, sowang – sowang 0,75 m kiwa tengen saking wates, tur tan maren kesaksinin olih prajuru desa utawi kepala lingkungan banjar antuk ilikita pastika.

- (5) Sapesire sane pacang ngadol karang wiadin karang paumahan mangda molihang margi sanistanipun 1,50 m.
- (6) Setunggil pekarangan patut ngutsahayang wenten pengutangan luwire sampah toya limbah lsp.

Pawos 88

- (1) Sinalih tunggil krama desa tan kengin ngelalahin wates karang wiadin ngeletihin tegal paumahan anak sewosan.
- (2) Prade wenten kadi ring ajeng sangkaning sampun polih piteket prajuru taler memurug keni pemicanda manut perarem.

PALET 3

INDIK PEPAYONAN

Pawos 89

- (1) Yan pacang nanem pepayonan wiadin tanem tuwuh patut adepe agung saking wates, mangda tan wenten nawonin miwah ngeletchin bilih-bilih mayanin kekarang penyandingnye.
- (2) Yaning wenten tan anut ring kecaping ajeng sang kejerihang patut atur supeksa ring prajuru, mangda nureksayang tur mituduhing sang madruwe pepayonan inucap. Prade jantos ping tiga tan minutunin sapituduh prajuru pepayonan inucap kengin kerebah kesaksiang antuk prajuru tur kepah tiga mantuk kedesa, sang ngerebah lan sang madruwe sowang -sowang polih apahan.

- (3) Yaning jantos nibenin baya lan penyangaskara sepatutnya manut perarem.

PALET 4
INDIK WEWANGUNAN
Pawos 90

- (1) Wewangunan patut:
- a. Yan wenten galahnya wenang ngangge asta bumi miwah gegulak asta kosala – kosali sanistane manut ring petitis niskala.
 - na. Tan kayogya nyayubin bilih – bilih ngawinan rusak kepisaga.
- (2) Yaning wenten sekadi ring ajeng risampun kesadokan ring prajuru desa keni pamidanda manut perarem.
- (3) Yaning wewangunan sane pacang kewangun nepek ring wates patut ngawentenan paigum ring pengadinya tur masadok ring prajuru desa. Yan mamurug riwekas pet ngawinan pengadinya pakeweh wiadin pastika ngawenan rusak wenang wewangunan inucap kerubah olih sang madruwe saha tan polih prebiya kepocolan. Paiguman inucap ring ajeng tan mari kesaksinin olih prajuru desa tur keilikitayang antuk pasubayan pastika.

- (4) Krama sane pacang ngewangun ring karang sane boya kedfuwe inggihang punika druwen desa utawi druwen warga tiyosan sedurunge pacang ngewangun patut mutuwasang bawos ring sang madruwe saha nyadokang ring prajuru desa pinaka saksi sajeroning bebawosan gumanti petuwas bawos presida keunggahang antuk ilikita pastika.
- (5) Yan wenten jadma liyan samakuta jaga ngawentenan wewangunan ring wewengkon desa Kelan tedun mekrama.
- (6) Yaning wenten krama sane ngewangun bale matumpang patut :
 - a. Nganutin tata cara wewangunan sekala niskala saha nunas warah warah guru wisea minakadi Dinas PU Kabupaten.
 - na. Nganutin kasukertan desa tur nenten ngeletehin bilih – bilih mayanin penyandingnya wiadin kahyangan desa.

PALET 5

INDIK WEWALUNGAN

Pawos 91

- (1) Warga Desa sane miara sakeluwir wewalungan patut sayaga nitenin negul, ngelogor wiadin ngandangin mangda tan ngerusak karang utawi pabian krama tiyosan bilih-bilih jantos ngeranjing ngeletehin kahyangan.

- (2) Yaning wenten sekadi ring ajeng sang madruwe wewalungan. Yan sampun wenten ping tiga melungguhang taler tan katitenin patut kesadokang ring prajuru desa mangda ketiwakin pamidanda sekadi ring sor:
 - a. Ngewaliang wit sane rusak miwah nuku prebeya kepocolan.
 - na. Prade wewalungan inucap ngeranjingin Pura miwah priyangan desa sang madruwe wewalungan patut ketiwakin pamidanda prabiya upakara pamarisudha sapatutnia.
- (3) Wewalungan sane inucap ngelechin kahyangan minakadi sarwa sato suku pat luwire sampi, kebo, bawi, kambing, domba, lsp.

Pawos 92

- (1) Tan kalugra nganggo utawi ngandagin wewalungan ring :
 - a. Pelemahan pura wiadin kahyangan desa.
 - na. Tegal paabyanan krama tiyosan.
- (2) Yaning wenten inucap ring ajeng keriwakin pamidanda penyangaskara manut pararem.

Pawos 93

Tata Cara Naban Wewalungan

- (1) Yaning wenten kacunduk wewalungan ngerusak tur tan wenten sane mariangken wenang kataban antuk sang ketiben.

- (2) Sang sane polih naban patut :
 - a. Masadok prajuru sang sane polih naban manut penglokika prajuru desa.
 - na. Miara wewalungan inucap sepatutnya.
- (3) Sang madruwe wewalungan patut :
 - a. Nawur prabiya ring sane polih nabah manut penglokika prajuru desa.
 - na. Prabiya inucap kepah kalih asiki kedesa asiki sang polih naban.
- (4) Sesampun limolas rahina nyadokang ring prajuru taler tan wenten sane memangken patut kesadokang malih ring sang rumawos (pemerintah). sesampune selikur rahina taler tan wenten mariangken wewalungan inucap kengin kadruweyang.

S A R G A V I
NGUWAH NGUWUHIN AWIG – AWIG
Pawos 94

- (1) Yaning wenten pari indikan sane durung menggah ring awig-awig puniki wenang Ki Bendesa kasarengin antuk prayoga sane lianan miwah pangelingsir mawos tur mutusang.
- (2) Nguwah nguwuhin daging awig-awig wenang madulurang paruman Desa madasar antuk paras paros sarpanaya mewastu dados segilik seguluk, selunglung sebayan taka.

Pawos 95

- (1) Sejroning ngelaksanayang awig-awig puniki prajuru Desa patut taler mawirasa ringsang Guru Wisesa.
- (2) Awig-awig puniki kasurat mesdasar antuk awig-awig sane wantah sampun riyinan, sane keanggen titi pengancan olih prajuru Desa Adat Kelan ngemargiang Desa Tata Cara, manut Dharmaning Agama.

S A R G A VII

P A M U P U T

Pawos 96

- (1) Awig – awig Desa Adat Kelan puniki puput kapidarem ring Bale Agung Kelan nemoning rahina.
- (2) Awig – awig puniki ngawit kemargiang ring sewewongkuan Desa Adat Kelan saking rahina kapidarem inucap.
- (3) Awig – awig puniki kalingga tanganin olih Prajuru Desa Adat Kelan kasarengin antuk kelihan tempekan Desa, kesaksinin olih Lurah Kepala Wilayah Kelurahan Tuban.
- (4) Sang ngelingga tanganin luwir ipun :

A. PENGAWIT :

B. PRAJURU DESA ADAT KELAN



Penyarikan Desa


I WAYAN SUDIRA


Yowana Desa Indik Periangan


I MADE SOMA

Yowana Desa Indik Pawongan


I WAYAN SUCI WIJAYA

Petajuk Bendesa


I WAYAN GINA
Sedahan Desa

I WAYAN DOGLAS

Yowana Desa Indik Pelemahan


I KETUT GAYEM

1. BANJAR KELAN ABIAN :


I NYOMAN KAYUN





I GUSTI KETUT ANOM


I KETUT SUWETA

2. BANJAR KELAN DESA


I NYOMAN DEGIT





I MADE MADERA M.


I WAYAN SUDJA

C. KAPING TIGA PARA KEPALA LINGKUNGAN BANJAR

Kepala Lingkungan



Kepala Lingkungan

Banjar Ketan Desa,



D. KAPING PAT LURAH



MENGETAHUI

Bupati Kepala Daerah

Tingkat II Badung



I GUSTI BAGUS ALIT PUTRA

SUSUNAN PANITIA PENYUSUN AWIG – AWIG

- | | | |
|-------------------------------|---|----------------------------|
| I. Penasehat | : | 1. Pan Reken |
| II. Ketua | : | Drs. Ida Bagus Nym. Suyasa |
| Wakil Ketua | : | Drs. I Ketut Rades Wiyasa |
| III. Sekretaris | : | I Wayan Kandi |
| Wakil Sekretaris | : | I Made Soma |
| IV. Komisi “ A “ (Periyangan) | : | |
| 1. I Made Soma | : | Ketua / Anggota |
| 2. I Wayan Sumantra SH | : | Sekretaris / Anggota |
| 3. I Nyoman Murna | : | Penterjemah / Anggota |
| 4. Drs. Gusti Made Artha | : | Pelapor / Anggota |
| 5. Pan kona | : | Anggota |
| 6. I Wayan Rona | : | Anggota |
| 7. Drs. Ida Bagus Suyasa | : | Anggota |
| 8. I Wayan Kandi | : | Anggota |
| 9. I Made Ketig | : | Anggota |
| 10. I Ketut Kendra | : | Anggota |
| 11. Pak Madri | : | Anggota |
| 12. Pan Muda | : | Anggota |
| 13. I Made Narut | : | Anggota |
| 14. Pan Pica | : | Anggota |
| 15. I Nyoman Degit | : | Anggota |

V. Komisi "B" (Pawongan)

- | | | | |
|-----|----------------------|---|----------------------|
| 1. | I Wayan Sudira | : | Ketua / Anggota |
| 2. | Drs. I Ketut Danu | : | Sekretaris / Anggota |
| 3. | I Wayan Runteg | : | Penerjemah / Anggota |
| 4. | I Ketut Budiarsa | : | Pelapor / Anggota |
| 5. | Gusti Putu Raka Puja | : | Anggota |
| 6. | I Made Bung | : | Anggota |
| 7. | I Ketut Suetha | : | Anggota |
| 8. | I Made Madra M | : | Anggota |
| 9. | I Wayan Sudja | : | Anggota |
| 10. | I Wayan Gorim | : | Anggota |
| 11. | I Made Suka | : | Anggota |
| 12. | I Nyoman Kupug | : | Anggota |
| 13. | I Nyoman Rendi | : | Anggota |
| 14. | I Nyoman Sadia | : | Anggota |
| 15. | I Made Cetog | : | Anggota |

VI. Komisi "C" (Palemahan)

- | | | | |
|-----|---------------------------|---|-----------------------|
| 1. | Drs. I Ketut Rades Wiyasa | : | Ketua / Anggota |
| 2. | I Ketut Sukerta | : | Sekretaris / Anggota |
| 3. | I Wayan Suciwijaya | : | Penterjemah / Anggota |
| 4. | I Ketut Sumarjaya | : | Pelapor / Anggota |
| 5. | I Nym. Budha Arsana | : | Anggota |
| 6. | I Made Sarga | : | Anggota |
| 7. | I Nyoman Solet | : | Anggota |
| 8. | Ir. I Wayan Redita | : | Anggota |
| 9. | I Made Madra P | : | Anggota |
| 10. | I Made Kendra | : | Anggota |
| 11. | I Wayan Gina | : | Anggota |
| 12. | I Gst. Made Antara | : | Anggota |
| 13. | I Gst. Ketut Anom | : | Anggota |
| 14. | Ir. Wayan Darmawan | : | Anggota |
| 15. | I Made Suweta R | : | Anggota |

MENGETAHUI

KETUA

PANITIA PENYUSUN AWIG - AWIG

DESA ADAT KELAN

SEKRETARIS

(Drs. IDA BAGUS NYM. SUYASA)

(I WAYAN KANDI)